

U tletleba ka eng?



*Basebelisi ba litšebeletso tsa **WASCO** le **LEC**
ba ka teka litletlebo tsa bona **LEWA**.*

O mong oa mesebetsi ea Lekhotla ke ho rarolla litletlebo tsa bona ka litšebeletso tseo ba li fuoang ke litsi K'hamphani ea Motlakase Lesotho (LEC) kapa K'hamphani ea Metsi le Likhoerekhoere (WASCO)- ha feela li sa rarolloa ke litsi tseo.

Ho fumana tlhakisetso e felletseng, ikopanye le rona:

*Lesotho Electricity and Water Authority, 7th Floor, Moposo House, Kingsway, Maseru, Lesotho
Tel: +266 22 312479 • Fax: +266 22 315094 • Email: secretary@lewa.org.ls*





U na le thahasello
ea ho tseba
haholo ka
Lekhotla la Taolo
ea Metsi le
Motlakase?

Visit our website:
www.lewa.org.ls


Ho fumana tlhakisetso e fellelseng, ikopanye le rona:

Tel: +266 22 312479 Fax: +266 22 315094

Email: secretary@lewa.org.ls



Bala leselinyana la LEWA!



U tšoenyehile ka

- Likhakanyo tsa khokelo tsa metsi • Khokelo tsa metsi
- Khaolo ea phephelo ea metsi • Reconnections
- Khaolo ea phephelo e bakiloeng ke bothata ba marang-rang a WASCO?

Lekhotla la Taolo ea Motlakase le Metsi (LEWA) le hlahisitse litokomane tse 'maloa tseo ka tsona taolo ea metsi le likhoerekhoere e tlang ho phethahatsoa ka tsona. Ka hara tse ling, Lekhotla le hlahisitse tokomane ea Lipehelo tsa Boleng ba Litšebeletso le Phephelo tsa Metsi le Likhoerekhoere (Urban Water Quality of Service and Supply Standards - QOSSS). Tokomane ena molemo oa eona ke hore K'hamphani ea Metsi le Likhoerekhoere (WASCO) e fane ka litšebeletso e ipapisitse le lipehelo tse behiloeng tse kahar'a eona. WASCO e lebelletsoe hore ebe e qalile ho kenya lipehelo tsena tšebetsong ho tloha ka Mphalane 2013.

Molemong oa litšebeletso
tse phethahetseng holim'a metsi
le likhoerekhoere literopong.



Lekhotla le etela sechaba sa Berea le Leribe

Taba e 'ngoe e ileng ea hlalisoa ke ea hore ha K'hamphani ea Lesotho ea Motlakase (LEC) kapa K'hamphani ea Metsi le Likhoerekhoere (WASCO) li khaola phephelo ea motlakase kapa metsi, sechaba ha se tsebisoe ka nako. Khothaleto ea bona e ile eaba hore li-ea-le-moea li sebelisoe ke litsi ho fetisa melaetsa e joalo.

Ho latela mekhoha le litloaelo tsa Lekhotla, sechaba sa Berea le Leribe se ile sa eteloa ke Lekhotla la Taolo ea Motlakase le Metsi Lesotho (LEWA) ka Phato le Loetse monongoaha ele ho tsoela pele ka matšolo a ho se tsebisa hore mesebetsi ea Lekhotla e se e eketsehile ho kenyeletsa taolo ea metsi le likhoerekhoere metseng ea literopo.

Baemeli ba Lekhotla e leng Mookameli oa Lefapha la Litaba tsa Basebelisi ba Motlakase le Metsi Monghali Shao Khatala le motlatsi oa hae Mofumahali 'Machabalala Koatsa ba ile ba etela Berea ka la 29 Phuptjane le Leribe ka la 17 Loetse 2012. Taba kholo e ileng ea tšohloa likopanong tsena ene e le ho hlalisa sechaba sa literoke tseo leseling la hore tšebetso ea (LEWA) e se e kenyeletsa le taolo ea litšebeliso tsa metsi le likhoerekhoere. Lekhotla le ne le ruta sechaba hore

se utloisise mosebetsi oa taolo ea litšebeliso le ho se matlafatsa ka tsebo.

Ketelong e neng e le Berea, Monghali Ramabanta Majoro lebitsong la 'Musi oa Setereke seo Mofumahali 'Mamoabi Leballo, o ile a amohela baeti, ha Leribe teng ebile Monghali Afelile Sekhamane ea ileng a bula phutheho lebitsong la 'Musi oa Setereke seo, Monghali Mokhabelane Morahanye.

Ha a rala litaba tsa liphutheho, Monghali Khatala o hlalositse hore Lekhotla le se le nkile boikarabello bo eketsehileng kaha phano ea litšebeliso tsa metsi le likhoerekhoere e se e laoloa ke lona. O itse Lekhotla le hlokometse hore ho bohlokoa ho fa sechaba leseli ekasitana le ho utloa maikutlo a sona ka litšebeliso tseo se li fumanang ho litsi tse laoloang ke Lekhotla.



A mang a marena a Teyateyaneng a mametse Mofumahali 'Machabalala Koatsa (ka leqeleng) nakong eo a hlalolang litaba tsa taolo tsa LEWA Teyateyaneng ka Phupu 2013.

Mofumahali Koatsa eena o hlalositse baemeli ba sechaba ba neng ba menngoe hore sepheo kapa molemo oa ho laola litšebeliso tsena har'a tse ling ke ho sireletsa litokelo tsa baji ho litsi tse fanang ka litšebeliso. A eketsa ka hore taolo ea litšebeliso e thusa hore phano ea tsona e etsoe ke litsi e le hore li ntlafale le ho li atolosetsa sechabeng se li hlohang. Ho feta moo o ile a hlalosa lintlha tse tharo tsa sehlooho tsa letsatsi.

"WASCO e bonahala e na le ponaletso ho re tsebisa ka ho hlaka chelete eo e tšoanetseng ho e patala ha re batla khokelo ea metsi"

Ea pele e bile mokhoa oa ho tliša litlitlebo tsa basebelisi ba metsi le motlakase ho Lekhotla. Ea bobeli ea eba holim'a bohlokoa ba hore sechaba se kenye letsoho litabeng tse se amang tsa taolo ea litšebeliso. Ea boraro e ne ele tokomane ea lipehelo tsa ho fumantšoa litšebeliso tsa metsi kapa tsa motlakase (Quality of Service Standards).

Baemeli ba sechaba ba ile ba botsa kapa ho hlalisa maikutlo holim'a molaetsa o fanoeng ke Lekhotla libokeng tsena. Ba ile ba hlalosa hore phephetso eo ba nang le eona litabeng tsena ke ea phephelo e mpe ea metsi le motlakase. Lekhotla le ile la arabela ka hore le boikitlaetsong ba ho rarolla bothata bona ka kopanelo le K'hamphani ea Motlakase Lesotho (LEC) le K'hamphani ea Metsi le Likhoerekhoere (WASCO). Boithuto bona bo tla etsoa le lefapheng la metsi le likhoerekhoere nakong e tlang.

Taba e 'ngoe e ileng ea hlalisoa ke ea hore ha LEC kapa WASCO li khaola phephelo ea motlakase kapa metsi, sechaba ha se tsebisoe. Khothaleto ea bona e ile eaba hore li-ea-le-moea li sebelisoe ke litsi ho fetisa melaetsa e joalo. Lekhotla le ile la hlalosa hape hore tokomane ea lipehelo tsa litšebeliso tsa metsi le likhoere-khoere, e hlalosa hore baji ba tšoanetse ho tsebisoa matsatsi a mabeli pele tšetiso ea mofuta o joalo eka ea etsoa. Ba bang ba batho ba Leribe ba ile ba hlalosa hape hore WASCO e sebetse hantle litabeng tsa likhakanyo tsa phephelo (quotations) hobane hona le lipehelo tseo e li latelang tse hlaketseng

baji. Khothaleto e ile eaba hore LEC le eona e be le methati e hlakileng tabeng ea lipatala ele hore sechaba se tlohele ho tletleba ka hore ha hona ponaletso tšebetsong ea eona.

"Empa LEC ha ena lipehelo tse hlakileng. Thepa eo batho ba e patalletseng ha e sa sebetse kaofela, e khutlela LEC ebe batho ba e pataletseng ha ba fuoe litheolelo likhakanyong tsa chelete eo ba e patetseng."

"WASCO e bonahala e na le ponaletso ho re tsebisa ka ho hlaka chelete eo re tšoanetseng ho e patala ha re batla khokelo ea metsi empa LEC eona ha ena lipehelo tse hlakileng. Ho feta mona ka nako e 'ngoe thepa eo batho ba e patalletseng ha e sa sebetse kaofela, e khutla le basebetsi ba LEC ebe batho ba e pataletseng ha ba fuoe litheolelo likhakanyong tsa chelete eo ba e patetseng", ho itsalo Monghali Malefetsane Nthimo.

LEWA e itse e se e ile ea buisana le LEC hore e fe bakopi ba khokelo ea motlakase likhakanyo tse bontsang hantle litšenyehelo tsa ho kenya motlakase. Ho feta mona tokomane ea tataiso holim'a khokelo ea motlakase e se e hlohonofalitsoe ke Lekhotla e le hore e arabele bothata ba hore batho ba lefitsoe likhokelo ka tsela e nang le ponaletso.

Ha phutheho e koaloa Monghali Khatala lebitsong la Lekhotla o ile a a leboha liofisi tsa Babusi ba Literoke tseo tse peli le sechaba ka kamohelo e mofuthu ea ka mehla 'me a re litaba tse builoeng li tla fetisetsoa ho ba lokelang ele ho fihlela bosebelisi bo botle.

Liphutheho tsa mofuta ona le tse ling li ntse li tla ntšetsoa pele kahara naha, 'me Sechaba se ka iketsetsa molemo ka ho tla moo se bilelitsoeng ho tseba haholoanyane ka mesebetsi ea LEWA.

Boemeli ba sechaba se bileng teng likopanong tsena e bile marena, basebeletsi ba 'Muso, baphatlalatsi, bahoebi, lihlooho tsa makala a 'muso le baji ka kakaretso □

Lipehelo tsa Boleng ba Litšebeletso tsa metsi li a manolloa

Lekhotla la Taolo ea Motlakase le Metsi (LEWA) le hlahisitse litokomane tse 'maloa tseo ka tsona taolo ea metsi le likhoerekhoere e tlang ho phethahatsoa ka tsona. Ka hara tse ling, Lekhotla le hlahisitse tokomane ea Lipehelo tsa Boleng ba Litšebeletso le Phepelo tsa Metsi le Likhoerekhoere (Urban Water Quality of Service and Supply Standards - QOSSS). Tokomane ena molemo oa eona ke hore K'hamphani ea Metsi le Likhoerekhoere (WASCO) e fane ka litšebeletso e ipapisitse le lipehelo tse behiloeng tse kahar'a eona. WASCO e lebelletsoe hore ebe e qalile ho kenya lipehelo tsena tšebetsong ho tloha ka Mphalane monongoaha. Mona re tla tsepama haholo holima litšebeletso tsa metsi metseng ea literopo.

Tokomane ena ea lipehelo e hlalosa lipehelo tsa boleng ba litšebeletso lintlheng tse kang nako ea ho etsa khokelo le ho khaolela baji khokelo ea

metsi. literopong. E le mehlala leselinyaneng lena ho buoa ka tse ling tsa lipehelo tsa metsi.

Phano ea Likhakanyo le Khokelo tsa Metsi:

- WASCO e tsoanetse ho fa mokopi khakanyo ea litjeo tsa phepelo ea metsi matsatsing a tšeletseng (6) a tšebetso moo marang-rang a WASCO a seng a ntse a le teng. Empa moo ho se nang marang-rang a lipompi, likhakanyo li tsoanetse ho fanoa matsatsing a leshome (10) a tšebetso.
- Moo teng ho nang le marang-rang a WASCO, phepelo ea metsi ho mokopi e lokeloa ho etsoa matsatsing a leshome (10) a tšebetso 'me bolelele ba sebaka ho tloha mohloling o haufi o se fete limithara tse lekholo le mashome a mahlano (150 metres). Moo e bang bolelele

bo feta limithara tse lekholo le mashome a mahlano (150 metres), phepelo e tsoanetse ho etsoa matsatsing a mashome a mararo (30) a tšebetso.

Khaolo ea phepelo ea metsi:

Phepelo ea metsi e ka khaoloe ke WASCO ha moji a hlolehile ho patala mokoloto, a hleka-hlekane le thepa ea WASCO ea phepelo kapa moji a ikhoketse metsi ka bolotsana. Haeba khokelo e etsahetse hobane moji a sa patala, o lokela ho fuoa nako ea mohau ea matsatsi a leshome (10), e le hore a patale. Hape moji ea joalo o lokela ho tsebisoa hore o tla khaoleloa litšebeletso matsatsi a mabeli pele khaolo ka boeona e ka phethahatsoa.

Ha moji a se a patetse, o lokela ho khutlisetsoa phepelo ea metsi lihoreng tse mashome a mabeli a metso e mene (24) tsa letsatsi. Moji o na le tokelo ea ho se khaoleloe phepelo matsatsing a phomolo, a mafelo a beke kapa kamor'a lihora tsa tšebetso. Lebaka la sena ke hore a tle a tsebe ho patala haeba a khona.

Moo teng moji a khaoletsoeng phepelo ea metsi ele hobane a khathatsane le thepa ea WASCO

ea phepelo, WASCO ena le tokelo ea hore e ka e khaola khokelo ntle le ho tsebisa moji. Ha moji a se a patetse likotlo tsa hae, khokelo e ka busetsoa matsatsing a mabeli (2) a tšebetso.

Khaolo ea phepelo e bakiloeng ke bothata ba marang-rang a WASCO:

Moo e bang ho ba le tšitiseho ea phepelo ea tšohanyetso, mohlomong e bakiloeng ke ho phahloha ha liphaephe kapa mathata a marang-rang, phepelo e lokela e be e khutlile lihoreng tse mashome a mabeli a metso e mene (24) tsa letsatsi. Empa moo teng e bang WASCO e rerile ho emisa phepelo mohlomong e le ho ntlafatsa marang-rang, baji ba lokela ho tsebisoa matsatsi a (2) pele ho tšetiso e joalo 'me tšetiso e se fete lihora tse robeli (8) tsa letsatsi.

Tokomane ena e hlalositsoeng ka holimo, e hlalosa lipehelo tseo WASCO e lokelang ho ipapisa le tsona ha e fana ka litšebeletso ho baji ba metsi le likhoere-khoere. Tokomane ena e hlahisitsoe ke Lekhotla ka therisano le WASCO. E ka fumaneha liofisng tsa Lekhotla. E se e fumaneha marang-rang a lik'homphuthara a Lekhotla (website) [□](#)



Mookameli oa Lekhotla, Assoc. Prof. Ntoi Rapapa (ea emeng) o bula moka oo ho buisanoang le WASCO ka boikarabello ba eona holim'a phano ea metsi le likhoerekhoere.

Methati ea tharollo ea litletlebo ka Lekhotla

tsebisa setsi seo molli a tletlebang ka sona ka litletlebo. Seta se joalo se tsoanetse ho arabela Lekhotla ka nako e behiloeng, 'me se fane ka lehlakore la sona la litaba.

Ha ho etsahala hore ebe mothating ona hoa hlaka hore litletlebo e sebelitsoe, Lekhotla le koala litletlebo e joalo hang. Haeba mahlakore ka bobeli a hana ho lumellana holim'a litletlebo, Lekhotla le tla bitsa kopano ea bokena lipakeng (mediation). Sena se etsoa ho thusa mahlakore ka bobeli ho fihlela tumellano litlelebong. Ha tumellano e joalo e fihletsoe, Lekhotla le nka litletlebo e rarollotsoe. Empa ha ho ka etsahala hore tumellano e se fihleloe, boemong bo joalo, Lekhotla le tla etsa qeto ea hore ke lehlakore lefe le hlotsoeng ke litaba.

LEWA e etsa liqeto tsa moshoelella, 'me li qeto tseo li ka hlalohoa ke makhotla a molao lintlheng tsa tsamaiso feela.



Methati ena ea tsamaiso ea litletlebo, e fa WASCO kapa LEC hore ebe moo baji ba ka isang litletlebo teng pele, hang-hang ha litletlebo li le teng. Lekhotla le ikelelitse hore ho keke hoa nepahala hore litletlebo e tlisohe ho Lekhotla ele mothati kapa sebaka sa pele sa thuso ntle le ha ele litaba tsa tlakotsi, tse ka behang maphelo a batho tsietsing joaloka ka lithapo tse kkhahileng [□](#)

Baithuti ba NUL ba amohela likhau

Ke selemo sa bobeli LEWA e atleha ho fana ka likhau tsena ho baithuti ba NUL e le karolo ea Lekhotla ea ho fana ka tšehetso sechabeng ka ho khothaletsa thuto.

Lekhotla la Taolo ea Motlakase Lesotho (LEWA) le fane ka likhau tsa LEWA ho baithuti ba ipabotseng mangolong a Bachelor of Science in Mathematics and Physics, Master of Science in Economics le bachelor of Science in Biology and Chemistry likapesong tsa bo 38 tsa Sekolo se Sehlo sa Sechaba (NUL) ka Moqebelo oa la 28 Phato 2013.


Moruti Kao o ile a hapa khau ea moithuti a ipabotseng thutong ea Bachelor of Science- Mathematics and Physics, Leseko Makhetha thutong ea Master of Science – Economics ha Nteboheleng Ntlhabi ena a ile a ikhapela khau thutong ea Bachelor of Science - Biology and Chemistry.

Motlotlehi Letsie III eo ebileng eleng Mookameli oa NUL, o ile a bula tšebetso ea letsatsi moo baithuti ba ka bang 3,053 ba ileng ba amohela mangolo a fapakaneng a thuto.

Ke selemo sa bobeli LEWA e abela baithuti ba NUL likhau e le karolo ea Lekhotla ea ho fana ka tšehetso sechabeng ka ho khothaletsa thuto.

Baithuto bana ka boraro ba bona ba fumane mangolo a thoholetso ho tsoa ho LEWA le pampiri-chelete ea boleng ba likete tse robeli (M8,000). Ka holima likhau tsena, LEWA e boetse e fana ka libuka tsa thuto ho NUL.

LEWA e itlametse ho fana ka tšehetso litekong tsa kholiso ea moruo oa naha ka leano la eona la ho khutlisetsa sechabeng ntlheng ea thuto kaha e bohlokoa haholo ho bula menyetla ea mosebetsi le ho ntšetsa thuto pele ho baithuti.

LEWA e lebohela baithuti bohle ba fumaneng mangolo a thuto selemong sena sa 2013, haholo Moruti Kao, Leseko Makhetha le Nteboheleng Ntlhabi ka tšebetso e ntle .



E mong oa baithuti ba NUL ba amohetseng likhau, Moruti Kao, ka lengolong la Bachelor of Science – Mathematics & Physics.

Methati ea tharollo ea litletlebo ka Lekhotla

Ho molemo haholo ho baji ba litšebeliso tsa motlakase, metsi le likhoere-khoere le motlakase ho tseba mekhoha le methati e latelang ho isa tletlebo ho Lekhotla. O mong oa mosebetsi ea Lekhotla ke ho kena lipakeng moo e bang hona le qoaketsano lipakeng tsa baji khahlanong le K'hamphani ea Metsi le Likhoerekhoere (WASCO) kapa K'hamphani ea Lesotho ea Motlakase (LEC).

Taba ea bohlokoa ea pele eo basebelisi ba motlakase, kapa ba metsi le likhoere-khoere ba tšoanetseng ho e tseba ke hore moji e mong le e mong ona le tokelo ea ho tletleba ha a sa khotsofalla litšebeliso tseo a li fumaneng kapa a sa sebeletsoa ho hang ke LEC kapa WASCO. Molli o tšoanetse a behe sello kapa tletlebo ea hae kapele ho setsi se amehang. Lekhotla le fa setsi se joalo monyetla oa pele oa ho rarolla litletlebo, 'me le sona, se tšoanetse hore se etse maoala 'ohle ho bona hore moji o fumana thuso, se ntse se ipapisitse le melao ea tsamaiso ea tharollo ea litletlebo ea setsi se joalo (Licensee's complaints procedure) ka nako e behiloeng.

Haeba molli a sa khotsofatsoa ke tsela eo setsi se arabetseng tletlebo kapa kopo ea hae ka eona,

kapa e sa arabeloa ho hang, a ka tlaleha taba e joalo ho Lekhotla.

Tletlebo ha e fetela ho Lekhotla, e tšoanetse e be e ngotsoe ka mongolo 'me e hlakile. Molli o tšoanela ho fana ka lintlha tse felletseng e le hore Lekhotla le tle le rarolle sello sa hae. Lintlha tse felletseng li akha tse latelang:

- Lebitso la hae;
- Aterese ea hae;
- Nomoro ea mohala ea hae;
- Nomoro ea account (haeba e teng);
- Lebitso la setsi sa motlakase kapa metsi moo molli a hlotsoeng ho thusoa teng;
- Lintlha tse amanang le tletlebo tse kang lengolo la tletlebo le karabelo eo a e fumaneng setsing seo a ileng a tletleba ka sona;
- Litokomane/mangolo/lirasiti tse ka tšehetsang tletlebo ea hae le nako eo e seng e fetile a ile a tlaleha sello sa hae ho setsi se joalo; le
- Tse ling tse ka bang bohlokoa tharollong ea tletlebo.

Haeba tletlebo e le e amanang le litšebeliso tse laolang ke Lekhotla, lipatlisiso li tla etsoa ke Lekhotla moo ho hlokalang. Lekhotla le tla

E mong oa basebetsi ba Lekhotla o etetse molli ho tla ithuta seo a tletlebang ka sona.



Manane a HIV le AIDS basebetsing a ntlafatsoa

Sepheo sa tihabollo le tlhahlobo holim'a HIV ka boithaopo ke ho fa basebetsi monyetla oa ho hlabollosa ke litsebi holim'a HIV/AIDS ba ntan'o fuoa monyetla oa ho hlahloba le ho tseba boemo ba bona.

Joalokaha re boletse leselinyaneng le fetileng, Lekhotla la Taolo ea Motlakase le Metsi Lesotho (LEWA) le thakhotse manane a tlhokomeliso holim'a HIV le AIDS bakeng sa basebetsi. Sepheo sa manane ao ke ho fa basebetsi ba lona tsebo ea litšebeliso tsa morao tsa HIV le AIDS, e le hore ba tsebe ho ithokomela hammoho le bao ebang ba se ba amehile ke kokoana-hloko ea HIV.

Litšebeliso tsena, li qaliloe ka morolo o bontšang hore LEWA e thahasella boiketlo le bophelo bo botle bakeng sa basebetsi ba eona le ho ikamahanya le maano a naha a ho fokotsa mathata a bakoang ke tšoaetso ea HIV le AIDS.

Sepheo sa manane a HIV le AIDS a LEWA ke ho fa basebetsi tsebo, monyetla oa ho hlahloba, le kalafo. Ka khoeli ea Motšeanong 2013, ho ile ha qaloa ka ho fana ka thuto e holim'a HIV le AIDS ho basebetsi ka sepheo sa hore ba khothaletsoe ho ithaopela ho hlahloba boemo ba bona ba HIV. Ka Phupu basebetsi ba ile ba fuoa monyetla oa ho hlabollosa le ho hlahloba ka lekunutu (Voluntary Counselling and Testing- VCT), kamor'a ho fuoa thuto e holim'a HIV le AIDS.

Sepheo sa tihabollo le tlhahlobo ea HIV ka boithaopo e ne e le ho fa basebetsi monyetla oa

ho hlabollosa ke litsebi holim'a HIV/AIDS ba ntan'o fuoa monyetla oa ho hlahloba le ho tseba boemo ba bona.

Nakong eo ho qaloang ka manane, palo ea basebetsi ba ileng ba fumana tihabollo le tlhahlobo ea HIV ka boithaopo ha e ea ka ea eba holimo joalo kaha ho ne ho lebelletsoe (ebile 23%). Sena se ile sa qosa LEWA ho batla mekhoe e meng ea ho khothaletsa basebetsi ba bangata ho etsa tlhahlobo ea HIV. Ho ile ha tšoaroa lithupelo-pale, bakeng sa lihlopha tse peli, tse kopantseng mekhahlelo e fapakaneng ea basebetsi. Sepheo sa lithupelo tsena ke ho bontša molemo oa ho hlahloba le ho thusa ba anngoeng ke bokulo kapa lefu la HIV/AIDS.

Hoba sehlopha ka seng se qete thupelo ka khoeli ea Loetse, se tla boela se ba le lithupelo tse ling tse tharo. Kamora lithupelo tseo, ho tla ba le tihabollo le tlhahlobo ka boithaopo. Tšepo ke hore palo ea basebetsi ba tla ithaopa ho hlahloba e tla phahama.

Sephetho sa tlhahlobo ea HIV se tla bolokoa e le lekunutu. Mosebetsi ka mong a ka ikhethela ho phatlalatsa boemo ba hae hae ba batla ho etsa joalo. Ke boikemisetso ba LEWA ho fana ka tšehetso e kenyeletsang kalafo ho ba ka fumanoang ba e-na le tšoaetso □



E mong oa basebetsi ba Lekhotla Monghali Lebohang Rantsele (ea lutseng) o etsa tlatlholo ea tsoekere nakong ea manane a bophelo bo botle mosebetsing



Ofisiri ea litaba tsa basebelisi ba motlakase Mofumahali 'Machabalala Koatsa le baithuti ba fuoeng likhau e leng Masieane Moremi - Diploma in Electrical & Electronic Engineering (letsohong le letšehali), le Moeketsi Monyali – Diploma in Water & Environmental Engineering (letsohong le letona).

Barutuo ba Lerotholi Polytechnic ba abeloa likhau

Sekolo sa Lerotholi Polytechnic se ile sa tšoa mokete oa bo-15 oa likapeso ka la 14 Loetse 2013. Moketeng oo, Lekhotla la Taolo ea Motlakase le Metsi (LEWA) le ile ea fana ka likhau ho barutuo ba babeli ba ithommeng pele lithutong tsa motlakase le metsi.

E ne e le selemo sa bobeli ka tatellano LEWA e fana ka likhau ho barutuo ba sebelitseng hantle lithutong tsa motlakase (Electrical and Electronic Engineering), metsi le tsa tikoloho (Water and Environmental Engineering). Sepheo sa ho fana ka likhau tseo ke karolo ea boikemisetso ba ho buseletsa sechabeng (corporate social responsibility) le ho khothaletsa baithuti ho sebetsa hantle lithutong tse amanang le motlakase le metsi.

Barutuo ba filoeng likhau ka ho ithoma pele lithutong ke Masieane Moremi ea fumaneng lengolo la Diploma in Electrical and Electronic Engineering le Moeketsi Monyali ea fumaneng lengolo la Diploma in Water and Environmental Engineering. E mong le e mong oa barutuo bana o fuoe M8,000.00 le lengolo la litebohele ke LEWA. Baithuti bana ile ba leboha LEWA, 'me ba hlalosa hore likhau tsena li khothaletsa baithuti ho sebetsa ka thata lithutong tsa bona.

Mookameli oa sekolo sa Lerotholi, Monghali Tsietsi Lebakae, o hlalositse bohlokoa ba tšebeliso-moho lipakeng tsa sekolo, lifeme, hammoho le litsi tse ling tse kang LEWA. A re seo se thusa sekolo ho rala manane-thuto a arabelang lithoko tsa lik'hamphani le ho phahamisa maemo a thuto. Monghali Lebakae o ekelitse ka hore seo se

thusa barutuo ho ithuta mosebetsi ka ho sebetsa lik'hamphani nakong ea ha ba phethela lithuto tsa bona 'me ba kena tšebetsong ba kene ba se ba e-na le tsebo ea mosebetsi. Monghali Lebakae a leboha bo-ramesebetsi ka ho amohela barutuo mesebetsing nakong ea baithuto ba bona le ho buisana ka ntlafatso ea manane-thuto le sekolo sa Lerotholi.

“Tšebeliso-moho lipakeng tsa sekolo le litsi tsa mesebetsi e molemo haholo kaha e etsa hore barutuo ba be le tsebo ea mosebetsi ele hore ha ba kena mesebetsing ba be ba se ntse ba ka sebetsa hantle”, a rialo Monghali Lebakae.

Molula-setulo oa Lekhotla la Tsamaiso ea Sekolo, Monghali Tlhalefo Moloi, o ile a lebohela ba atlehileng ho fumana mangolo. A bolela hore bohato ba bohlokoa bo nkiloeng ke sekolo ke hore se tle se nyolohela boemong ba junufesithi ka 2015. A re hoo ho tla thusa ho phethahatsa Chebelo-pele ea Naha ea 2020 (Vison 2020) ea ho ntlafatsa thuto kahar'a naha e le ho ntlafatsa moruo.

“Moruo oa naha ena o ka ntlafala ha feela litsebo le makhabane tsa basebetsi ba rona li ka tsa phahamisoa ele hore e be libetsa tsa ho thusa ho loantša tlala le bofuma kahar'a naha”, a rialo Monghali Moloi.

LEWA e lakaletsa barutuo ba hapileng likhau le bohle ba neng ba apesoa katleho mesebetsing eo ba tlang ho e etsa, 'me e ikemiselitse ho tšehetsa barutuo ba ithommeng pele lithutong tse khethileng mabapi le tšebetso ea LEWA □

ele tsela ea ho matlafatsana ha litho tsa RERA moo mefokolo e ka 'nang ea ba teng litabeng tsa tšireletso ea baji ba motlakase. Sena se tla thusa haholo ntlheng ea ho fana ka litšebeliso tsa boleng bo tšoanang tikolohong ena", ao ke mantsoe a Monghali Simasiku.

Baemeli ba makhotla ao eleng litho tsa RERA ba ile ba buisana ka tse latelang: Mesebetsi ea makhotla a habo bona, melao e a tsamaisang, makala, mafapha le basebeleletsi ba makhotla. Ba bile ba buisana hape ka ho matlafatsoa ha seabo sa baji ba motlakase taolong ea motlakase, tšireletso ea litokelo tsa baji, boleng ba litšebeliso, mekhoea ea ho rarolla mathata le lipelaelo tsa baji, le mosebetsi oa liboto tsa makhotla a taolo ea motlakase tšireletsong ea baji.

Har'a litaba tsa bohlokoa tseo seboka se buisaneng ka tsona e bile hore RERA e be le komiti e tla sebetsana le litaba tsa baji ka kotloloho.

Seboka se ile sa khothaletsa hore baji ba kenyeletsoe tšebetsong ea RERA le litabeng tsa mokhatlo oa lefatše (ICER) tse amanang le

tšebeliso ea motlakase. Ho bile ha lumellanoa hore Lekhotla la Motlakase la Zambia (Electricity Regulation Board) le etelle pele komitjana ea RERA e tla rala tšebetso ea ho theha komiti ea baji ea RERA.

Makhotla a taolo ea motlakase a neng a emetsoe sebokeng ke a latelang; LEWA (Lesotho), ERB (Zambia), NERSA (South Africa), IRSE (Angola), CNLEC (Mozambique) and ECB (Namibia).

RERA e bopiloe ka taolo ea motlakase 'me e thehiloe ke matona a SADC a ikarabellang litabeng tsa matla. RERA e ile ea thehoa sebokeng sa matona ao se neng se le Maseru ka la 12 Phupu 2002. Mokhatlo o ile oa phatlalatsoa le ho qala ho sebetsa ka molao ka la 26 Loetse 2002 sebokeng se neng se le Windhoek, Namibia.

Sepheo sa RERA ke ho theha le ho matlafatsa tšebeliso-'moho lipakeng tsa makhotla a ikemetseng a motlakase linaheng tsa SADC. Ha e le LEWA eona, e ile ea ngolisoa e le setho sa RERA ka la 18 Hlakubele 2005 nakong eo e neng e ntse e le Lekhotla la Taolo ea Motlakase Lesotho (LEA) □

Mookameli e mocha oa Lefapha la Taolo ea Metsi

Lefapha la Litaba tsa Metsi le Likhoerekhoere (Technical Regulation Water Department) la Lekhotla la Taolo ea Motlakase le Metsi (LEWA) le se le ena le mookameli e mocha e leng Monghali Falla Frank Seboko ho tloha ka la 1 Phupu, 2013. Pele ho moo, Monghali Seboko o ne a sebetsa e le Motlatsi oa Mookameli (Performance Analyst – Water).

Ka Phato 2012 Monghali Seboko o ile a tsoara molepo e le Mookameli oa Lefapha. O tlatselitse ho raloeng hoa melaoana ea LEWA e laolang litšebeliso tsa metsi le likhoerekhoere literopong. Monghali Seboko, o ile a thusa ho rala le ho bopa litokomane tsohle tse amanang le taolo ea metsi tse ileng tsa isoa kapel'a Boto le hore litokomane tse seng li ananetsoe ke Boto li phethahatsoe. Mosebetsi oa hae o kenyetsetsa hore a thuse

phethahatsong ea meralo ea LEWA ea ho laola litšebeliso tsa metsi le likhoerekhoere, ho hlahloba theko le thekiso ea metsi khafetsa le ho hlahloba boleng ba metsi le likhoerekhoere.

Tšebetso ea taolo ea metsi le likhoerekhoere e kenyetsetsa ho rala litokomane tseo WASCO e tla tlaleha litaba tsa tšebetso ea tsona ho Lekhotla ka eona, ho rala mekhoea ea ho hlahloba katleho ea tšebetso, ho ruta sechaba ka boleng ba metsi a nooang le ho se fa monyetla oa ho hlahisa maikutlo taolong ea metsi le likhoerekhoere.

Monghali Seboko ke mo-enjiniere ea nang le tsebo litšebeliso tsa metsi le likhoerekhoere. Bookameli le basebetsi ba LEWA, ba lebohela Monghali Seboko le ho mo lakaletsa katleho mosebetsing oa hae o mocha □


Mookameli e mocha oa Lefapha la Taolo ea Metsi



Monghali Falla Seboko, Mookameli oa Lefapha la Metsi LEWA



Na u tseba seo taolo ea motlakase le metsi e leng sona?
Ikopanye le Lekhotla bakeng sa litlhakisetsa.



Khatiso ea Lesotho Electricity and Water Authority, 7th Floor, Moposo House, Kingsway, Maseru, Lesotho

Tel: +266 22 312479

Fax: +266 22 315094

Email: secretary@lea.org.ls

Website: www.lea.org.ls

Ka Poso

Private Bag A135

Maseru 100 – Lesotho

Southern Africa

Design

The Age Multimedia Publishers

Cover image

LEWA pictures

Copyright: Lesotho Electricity and Water Authority 2013 No part of this publication may be reproduced in any form for commercial purposes without written consent from the publisher.

Enquiries

Tel: +266 22 312479

Email: secretary@lewa.org.ls

Litumeliso ka Mookameli

“Ke boikarabello ba LEWA ho bona hore ba nang le kobo ea bohali tšebetsong ea Lekhotla ba fumantšoe thuto ka tšebetso ea lona e le hore ba tle ba e utloisise hantle.”

Babali ba khabane,

Khatiso ena ea leselinyana la Lekhotla la Taolo ea Motlakase le Metsi Lesotho (LEWA) e ntsetsa pele ho beha babali leseling ka tšebetso le tsamaiso tsa LEWA.

Ke boikarabello ba LEWA ho bona hore ba nang le kobo ea bohali tšebetsong ea Lekhotla ba fumantšoa thuto ka tšebetso ea lona e le hore ba tle ba e utloisise hantle.

LEWA e ikemiselitse ho ho nka mehato ea ho bona hore litaba li fihla sechabeng E fihlela tšebetso ena ea mantlha ka ho sebelisa mecha e kenyeletsang ho tšoara lipitso joalo ka tse ileng tsa tšoaroa Teyateyaneng le Leribe ka Phupu le Loetse selemong sena e le karolo ea ho ruta sechaba ka tšebetso e ncha ea Lekhotla ea ho laola lafapha la metsi le likhoere-khoere metseng ea litoropo.

Mokhoa oo o fana ka sebae sa puisano e otlohileng lipakeng tsa Lekhotla le sechaba.

Joalokaha le tla hopola, Lekhotla la Taolo ea Motlakase Lesotho (LEA) le ile la eketsoa boikarabelo ba ho laola litšebeliso tsa metsi le likhoere-khoere metseng ea litoropo, 'me le ile lafetohela ho ba Lekhotla la Taolo ea Motlakase le Metsi Lesotho (LEWA) ho tloha ka la 1 Motšeanong 2013.

Lekhotla le ile la phethela tse ling tsa litokomane tse tlang ho sebelisoa ho phetha tšebetso ena ea taolo hantle.

Leselinyaneng lena re boetse re manolla e 'ngoe ea litokomane tsena e leng ea Lipehelo tsa Boleng ba litšebeliso tsa Metsi le Likhoerekhoere metseng ea literopo (Urban Water Quality of Service and Supply Standards) kapa QoSSS ka bokhutšoanyane.

Lekhotla le sebelisa tokomane ena ho laola boleng ba litšebeliso tseo K'hamphani ea Metsi le Likhoerekhoere (WASCO) e fanang ka tsona. WASCO e lebelletsoe ho tlaheha tšebetso ea eona ho LEWA e ipapisitse le lipehelo tsa tokomane ena.

Re boetse re sheba litaba tsa boikitlaetso ba Lekhotla ba ho khutlisetsa sechabeng, tšalo-morao ea karolo eo LEWA e e bapalang litabeng tsa taolo ea motlakase tikolohong ea Afrika e Boroa le ho qala tšebetso hoa mookameli oa Lefapha la Taolo ea Metsi la LEWA □



Ntoi Rapapa
Mookameli

Kopano ea RERA holim'a tšireletso ea baji ba motlakase

“Moka oa mofuta ona o lebelletsoe ho fana ka menyetla ea ho thakelana ka malebela le litsebo ele ho matlafatsana ha litho tsa RERA moo mefokolo e ka 'nang ea ba teng litabeng tsa tšireletso ea basebelise ba motlakase.”

Makhotla a Taolo ea Phepelo ea Motlakase Afrika e Boroa (Regional Electricity Regulators Association of Southern Africa - RERA), a ile a tšoara seboka sa pele se neng se buisana ka litaba tsa tšireletso ea baji ba motlakase. Seboka se ne se le Windhoek, Namibia ho tloha ka la 20 ho isa la 21 Phato 2013.

Sepheo sa seboka seo e ne e le ho buisana ka mekhoha ea ho kenyeletsa litaba tsa tšireletso ea baji ba motlakase kahar'a meralo ea tšebetso ea RERA le ho ikamahanya le tsela ea tšebetso ea Mokhatlo oa Lefatše oa Makhotla a Taolo ea Matla (International Confederation of Energy Regulators-ICER). Hape ho ile ha buisanoa ka Moralo oa Tšebetso oa RERA oa 2013 - 2017 (Strategic Plan). Mabaka a sena ke hobane tikolohong ea Afrika e

Boroa lefapha la motlakase le tobane le mathata a tlhahiso e fokolang, litheko tse phahamang tsa motlakase, le litšebeliso tse sa khotsofatseng tsa phepelo ea motlakase ka litsi tsa ona. Tsena kaofela li etsa hore basebelisi kapa baji ba bonahale ba sa sireletseha.

Puong ea hae ea pulo ea seboka seo, Monghali Siseho C. Simasiku, Mookameli oa Lekhotla la Taolo ea Motlakase la Namibia (ECB) o ile a supa hore litebello tsa seboka ke ho kenyelletsa baji mererong le tsamaisong ea motlakase le ho thakelana malebela lipakeng tsa makhotla a laolang motlakase tikolohong ea SADC.

“Moka oa mofuta ona o lebelletsoe ho fana ka menyetla ea ho thakelana ka malebela le litsebo



Barumuoa ba neng ba le sebokeng sa tšireletso ea baji Windhoek, Namibia, ka Phato 2013.

lewa.leselinyana

LESELINYANA LA LEKHOTLA LA TAOLO EA MOTLAKASE LE METSI LESOTHO



Litho tsa RERA li buisana
ka Tšireletso ea Baji

Tseba ka Methati ea Lekhotla
ea Tharollo ea Litletlebo



LEWA e abela barutuo ba
Lerotholi Polytechnic le NUL ikhau